

心日齋詞集

下冊



鴻雪詞目

卷上

臨江仙

瑞鶴仙

永遇樂

木蘭花慢

陌上花

玉漏遲

霜葉飛

祝英臺近

鷓鴣天

夜半樂

天香

高陽臺

月華清

探芳信

夏初臨

望海潮

心日齋詞集

鴻雪詞目

還京樂

揚州慢

念奴嬌

夜合花

二郎神

月中桂

巫山一段雲

眼兒媚

惜紅衣

一落索

夜遊宮

歸國謠

轉應曲

臨江仙慢

唐多令

聲聲慢

碧牡丹

應天長

解珮令

喜遷鶯

千秋歲引

更漏子 二調

天仙子 六調

水調歌頭

踏莎行

定風波 二調

瑣窗寒

滿江紅 五調

感皇恩 二調

珠簾卷

漢宮春

卷下

絳都春

喜遷鶯 五調

浣溪紗

鷓鴣天 四調

謁金門 二調

惜分飛

心日齋詞集

鴻雪詞目

大酺

西河

玉胡蝶 二調

留客住 三調

桂枝香

洞仙歌

南鄉子

朝中措

齊天樂 三調

好事近 三調

巫山一段雲

漢宮春 二調

剔銀燈

氏州第一

天香

掃花遊

慶清朝

望海潮

探春慢 二調

惜秋華 二調

燕歸梁

宴清都 二調

倦尋芳 一調

阮郎歸

澡蘭香

念奴嬌

踏莎行

醉蓬萊

浪淘沙

酒泉子 三調

慶春時

江城子

漁家傲

摸魚兒 二調

玲瓏四犯

望湘人

長相思

西子妝慢

驀山溪

最高樓

心日齋詞集

鴻雪詞目

三



鴻雪詞上

祥符 周之琦 稗圭

臨江仙

一架藤陰留不得珠巢無處尋蹤繡衣著了抗塵容向
來殊落落此別轉匆匆 十載長安多勝侶頻番酒綠
燈紅而今心事更誰同秋懷紈扇月春夢玉珂風

瑞鶴仙

憶京寓藤花作

曉寒欺繡幕過啼鳩光陰離愁蕭索新詞寄歸鶴奈書
傳聞苑信音遼邈織枝翠絡料此際垂垂綻萼儘飄零

小日齋詞集

鴻雪詞上

一

客燕天涯長憶紫茸檐角 蘭杓浮紅泛綠摘豔吟香
與花同酌華胥夢覺賞心事忍拋卻想閒庭多少遊蜂
戲蝶未肯襟期漫託但年年吹冷東風自開自落

永遇樂

成都武侯祠

天設巖疆井蛙亡後形勝誰據半壁經營兩朝開濟再
世生伊呂炎靈邈矣謳思未沫長誦大名千古任辛毗
軍門仗節笑他畏蜀如虎 星芒驟落降箋草草拱手
河山輪與鄴下稱尊江東並列史筆吾無取錦官城外
雲車風馬想像翠華來處憑君看荒陵咫尺尙留漢土

又

成都貢院僞蜀故宮也壬午從事秋闈作

棘院風清桂輪香滿仙馭初駐射策人來翹材館啓舊

是朝天路南軒史筆東陽詩草

主試張君岳崧沈君巍皆

恰在紫雲

深處話興亡煎茶漏永待添畫燭重賦 王顛孟蹶輕

塵短晷夢影相看何許城上芙蓉宮中花藥不管人西

顧宣華小苑摩訶芳徑多少斷垣荒礎今猶幸文昌朗

耀粉廊快觀

木蘭花慢

支機石

心口齋詞集

鴻雪詞上

二

筍輿尋勝賞訝神物寄烟寰想槎客攜歸星娥贈與仙
骨珊珊爛斑豔稱蜀錦問七襄何似五雲端幻跡誰云
可轉靈心好在無言 禪關尙識孱顏清露溼翠屏閒
但悵望吹笙遲迴弄杼夢冷銀灣相看絳霄路迴歎紅
塵淪謫幾時還回首珠宮玉宇淒涼天上人間

陌上花

薛濤井

高唐夢後朝雲留下楚臺遺韻一曲琴心容易翠翹偷
近玉蟬金雀嬉遊處千古風流無盡賦閒情況有巴箋
十色待題幽恨 向迴闌更倚瓶沈信杳且喜銀牀堪

認照影嬋娟誰似婦眉人俊枇杷花落開門閉冶思空
傳蘭訊錦江春付與樓陰修竹幾堆香粉

玉漏遲

夜話尹竹農同年署齋

夜寒蓮漏悄紋疏靜掩銅荷低照迅羽光陰心事漫傳
青鳥夢裏長安片月更愁裏天涯芳草還自惱雲窗霧
閣庾塵誰埽 何處喚酒銀缸聽小管清聲素絃淒調
豔冶追尋爭似寸箋吟好計日東風破冷又相對春山
一笑芳信早梅花幾枝開了

又

心日齋詞集

鴻雪詞上

三

秋夜對月偶憶少陵斫卻月中桂清光應更多
之語因寫其意

碧空圓鏡展無端幻出交柯零亂望裏陰占卻廣寒
庭院自倚閭浮樹影怎禁得吳郎偷眼塵霧卷丁丁玉
斧等閒飄散 遙睇露腳斜飛似墜葉霜林峭風輕剪
喚作天香終是藥娥愁見記否王孫去久且歸詠淮南
秋怨清漏轉霓裳舊歌重按

霜葉飛

伯兄之戚已更歲矣笏姪自粵歸汴由汴來蜀

泣然賦此

素冠銜涕重相見傷心塵面憔悴去年輕趁片帆風送
箭波長逝甚淡月珠江戾止無端啼溼春鶉淚但愛日
庭前且幸得孤雛侍側馨膳聊慰 追念妙墨淵雲香
名早飲共說平步千里盛筵燒尾只須與奈鏡蓉空萎
歎寂寂鄉園夢裏郊祁忍更論前事聽鴈聲哀絃外隻
影天涯斷魂誰倚

祝英臺近

浣花祠以陸放翁配食少陵往歲程春海侍講
持衡遊此謂當以韋端已易放翁因陸非流寓
而韋以浣花名集也乙酉初春偕吳梅梁學使
尹竹農桂燕山兩觀察問梅草堂偶憶春海語
率成此解

心日齋詞集

鴻雪詞上

四

選佳辰攜俊侶重問草堂路紅萼無言春色已如許相
看蘿幌低垂蕙烟輕颺忽省憶皇華人語 浣花句同
是淪落天涯應教侍尊俎團扇家家不少瓣香處須令
翠羽聲中寒泉一盞但遙指城南韋杜

鷓鴣天

綿州道中

五見櫻桃夢欲闌蠶叢容易片雲還飛鳧已覺天衢近
歸騎安知蜀道難 涼意淡露痕乾不辭侵曉跨征鞍

輕衫小扇綿州路瓦鼓聽歌豆子山

夜半樂

夜趨劍關中途大雷雨侵晨始抵宿處

暮天畏景將下輕陰城郭催喚雕鞍去到萬笏尖峰晚
涼佳處壞雲漸展狂飈驟發片時丹嶂冥迷絳河傾注
更迎面砰轟震雷鼓 閣中磴道曲折蟻磨驚旋馬蹄
愁誤怕小小籃輿山靈留住亂流趨壑崩厓轉石一肩
穩載吟魂等閒偷度曉鐘外羊腸忍回顧 臥想今夕
犯險虛勞快心終阻行不得空慙鷓鴣語耐炎曦休恨
汗溼齊紈縷還僂指幾日消煩暑邵平瓜買青門路

小日齋詞集

鴻雪詞上

五

天香

留侯祠在紫柏山下泉皆穿地而出盤花旋竹
泠泠有聲秦棧中佳境也

石罅跳珠牆陰漱玉虛堂半枕湍瀨倦客棲遲征途熱
惱頓覺涼生襟帶螺鬟秀倚想上有餐霞人在幾陣天
風細響吹將鳳笙仙籟 留封舊遊未改寄冥鴻渺然
塵外來往赤松樓處片雲無礙好約他年借榻待盡啓
軒窗面蒼靄萬壘烟嵐芝英試採

高陽臺

漢茂陵

宛馬吟愁粵鷄啼恨流虹休問倚蘭丹鼎龍歸一邛空
指蒼烟蒲輪正好賢良聚奈褰裳海上仙山甚蓬萊誤
了阿房重誤甘泉 神君帳裏知何語但返魂香燼枉
賦哀蟬五柞鶻聲負他桃熟千年誰論朱鳥窗中事剩
初明淚灑通天最難禁玉腕淒涼宛在人間

又

灞河阻漲

雪浪翻空銀濤拍岸柳陰不解蘭舟顧影驕驄幾回腕
足臨流倦懷柔下貪三宿況關心麗玉箜篌慰離情一
水盈盈多幸天留 尋詩待赴旗亭約奈黃梅暗雨懶
心日齋詞集 鴻雪詞上 六

月華清

驪山溫泉

椒殿含春蘭湯試煖華清鸞馭曾遊一掬鴛波還見粉
雲吹麝倚丹臺金屋裝成漱靈液仙源流下羅帕待疑
脂淨拭翠蛾重畫 妙舞霓裳未罷甚咫尺延秋夜烏
啼仁水上黃虯容易倩魂驚化訪前塵香澤仍留詠長
恨哀湍空瀉愁惹付宮花紅處白頭閒話

探芳信

茶憩敷水驛香山詩所謂上得籃輿未能去春
風敷水店門前者也

曉鶯喚似陌上柔柔秦箏彈怨想畫樓初日芳魂定餘
戀素波不照嬋娟影遺恨天涯遠遣羈愁豔質難留好
山還見 依約翠眉展尙髮鬢城南那時人面秀倚東
風露華映黛痕淺玉蓮花色春如笑任著帽頭看店門
前怪底籃輿去緩

夏初臨

兩行蒲州道中有憶

潤裏鞭絲冷侵衣袂條山吹雨冥冥纔過梅黃千林點
心日齋詞集 鴻雪詞上 七

滴秋聲客懷已是淒清況征征途流潦縱橫風陵回首蓮
峰翠鬢猶隱雲屏 飛蓬自去倚竹仍留小窗絮語燈
火青熒荷花桂子人間何處西冷短堠長亭數郵籤聽
徹蘭更淚痕凝錢江到時看取吳綾

望海潮

韓信嶺

行山迴合汾河縈帶遺基尙說韓侯衰柳將壇閒花戰
壘千年姓字長留陽夏事悠悠歎黥彭一例鐘室埋愁
震主功高鼎分空憶蒯通謀 征途訪古停軒望靈風
天半英氣凌秋傳檄片言藏弓末路榮枯總付東流祠

宇倚津樓想巫絃社鼓夜夜神遊看取長陵斷碣誰與
酌荒邱

陳稀封陽夏侯見高惠功臣表

高陽臺

平定州妒女祠事與劉伯玉妻妒婦津相類戲
拈此解

偕隱曾傳潛淵妄託休猜綿上娉婷十笏荒祠凝塵誰
掃朱櫺春松秋菊東阿賦問宓妃甚事干卿在思量羅
襪凌波翠羽揚靈 千年夢雨空飄瓦怪胥濤遺恨歷
劫難平喚渡蛾眉等閒風浪還生茂宏九錫徒相笑怕
短轆到此須驚賽郵巫一勺椒漿好薦鷓鴣

心日齋詞集

鴻雪詞上

八

還京樂

丙戌小住都門匆匆脂轄悵然有作

鳳城路習見依依巷陌如故里趁絮泥消盡任教日訪
琴尊歡事望舊巢天際金蓮對燭光生蕊禁漏短爭許
袖惹蓬萊雲氣 向槐堂裏又朋簪清話依然樹色浮
空人影在地芳蹤夢蝶重尋幸秦源暗通塵世倚征鞍
嗟倦羽飛回游驄喚起好屬盧溝月須令佳會常繼

探芳信

都門友朋之樂無異疇昔而五年來劉芙初宮
辛楣錢金粟謝向亭四同年已先後下世黍夢

光陰可哀也已

絳霄近借寸晷餘閒遊蹤重認向紫雲深處陶然翠觴
引上清判袂仙緣在尚有餐芝分倚篔簹酒暈香凝月
輪心印歡極淚還忍念舊侶星稀逝波空迅夢冷江
花但贏得夜臺恨百年身世浮漚影懶更箋天問楚魂
招枉付牙琴怨軫

揚州慢

維揚晚泊

白紵人歸玉簫聲換短篷誰按紅牙漸邗溝月影又透
入窗紗聽一杵清鐘喚夢鬢絲禪榻休問烟花正羈愁
心日齋詞集 鴻雪詞上 九

撩亂可堪尊酒消他錦帆在否算垂楊曾見繁華歎
畫鷁春波流螢故苑何處人家殿脚翠螺拋盡西風外
冷落宮斜話興亡遺事傷心空付棲鴉

念奴嬌

舟過吳門賀偶庚方伯邀同吳藹人學士董琴
南太守小集白公祠因詣藹人所居在虎邱山
塘極遊觀之勝余欲結鄰而未能賦此寄興

翠尊芳約盡西清當日鳴珂仙侶五載分張今更合宛
爾柯亭聯步語燕催程閒鷗喚客便好拏舟去湖樓遙
指小欄紅溼踈雨堪羨崑閩歸來橫塘卜築妙得滄

浪趣穉柳嬌鶯門巷接最是金閨佳處波軟風柔酒濃
歌脆準擬從君住明朝相望片帆空隔烟浦

夜合花

藹人有看花之約余乘風便已解維矣

洛水明珠巫峰仙佩未如越網千絲緣慳顧曲輪君煖
玉偷攜青纜解畫船移怪津亭折柬來遲向虹橋去簫
吹夜月誰唱新詞 西湖西子歸時長記細翬染翰羅
帕題詩吟香試茗依然悶倚空卮紅袖冷翠眉低甚好
風偏妒芳期倩盧家燕閒將此恨說與教知藹人屬意者歸自杭州攜餉新茗藹人集蘇句若把西湖比西子由來佳茗似佳人書聯贈之

心日齋詞集

鴻雪詞上

十

二郎神

晚泊吳江風景清曠燈下漫填此闕卻寄吳董

賀三同年

亂鴉送日傍暮靄片帆初卸正小閣銜杯紋窗翦燭好
句雲箋共寫暗裏吳波催人去早夢落松陵橋下憐酒
暈未消吟邊猶記夜闌情話 瀟灑楓江騁望水天如
畫認素襪明璫詞仙遊處還見秋容澹雅葭浦烟涼蓼
汀風細娥月漸窺篷罅憑過鴈爲說寒山此際晚鐘敲

罷

月中桂

吳淞舟中

思渺吳天坐空明翠斂穩泛秋色柔波蕩晚漸白蘋風
細輕寒吹入小紅今在否記夜舫新歌按拍迤邐垂虹
路清簫雅韻鷗鷺定曾識 沈吟季鷹當日戀菹鱸味
好歸櫂重覓溪山畫裏算錦屏深處何人消得扣舷招
隱士倩相送長橋過客黯黯南雲去宵來爲君鄉夢積
巫山一段雲

西湖花神廟僅餘塑像二側倚敗壁間而神采
奕奕如生命僧移置樓下并紀以詞

夢雨荒祠暗穠華往事空小樓珍重避西風好與護芳

心日齋詞集

鴻雪詞上

十一

容 春色應無價情緣儻再逢欲求粉本貌驚鴻看取
曲欄中

眼兒媚

南朝駐蹕愛杭州直爲聖湖留十三門外十三樓畔占
盡風流 一聲白鴈繁華去往事總悠悠劉家孃子楊
家妹子無限春愁

又

小船平底曲闌千人在畫圖間雨湖也好晴湖也好消
得身閒 淨慈靈隱三天竺重疊獻珠旛千燈萬佛蓮
臺高處長是無言

惜紅衣

訪姜白石葬處

漢渚羈愁若溪浪跡野雲誰識舊說西陸吟魂寄幽宅
斜陽蔓草空悵望春風詞筆悽憶香暗影踈掩梅花仙
魄 漂零楚客坏土長留湖山恣遊歷繁華夢去故國
已無覓好屬小紅珠淚莫向冷楓啼溼怕洞簫清怨吹
咽六陵秋色

一落索

山色空濛初過雨畫船幾許倚闌人影不分明兩槳掠
柔波去 回首六橋烟樹依依日暮更教誰與覓詞仙

心日齋詞集

鴻雪詞上

十二

蕩一點春心處

夜遊宮

偕董琴南費新橋兩同年泛舟西湖時琴南赴
雲南任新橋亦將入都

一櫂停雲乍合況勝賞韶春時節有約逋梅須共折鶴
巢邊冷清清千片雪 綠醕蘭言接勝尺素遙傳天末
去燕來鴻休悵別指心期但相看湖上月

月華清

題成蘭生太守西湖鏡影圖照

空翠分烟秋痕蘸水蘆灣篷背低亞照影盟心恰好鏡

瀾堪借向迴汀鷀地尋來倚柔艣悄然歌罷吟社喚香
山玉局紫鸞飛下我亦幽懷暗寫聽靈苑清鐘舊歡
都謝修竹祠荒爭得澹妝人迓待安排畫鷁閒身儘消
領冷鷗情話休眠奈文書遮眼漏沈遙夜

歸國謠

仙境阻洞口桃花風又雨可惜阮郎遊處看花無伴侶
幾日翠陰庭戶留春春不住零亂十三筇柱懶聽金
鴈語

又

殘夢續浪蘂浮花看未足容易曉鴉聲促淚痕銷絳燭
心日齋詞集 鴻雪詞上

十三

缸面酒鱗吹綠醉來歌一曲何事近窗修竹不教丹
鳳宿

轉應曲

無寐無寐賺得愁人如醉夜深珠箔誰開悵望青鸞未
來來未來未心在紫蘭香裏

臨江仙慢

潘吾亭同年以上海觀察乞歸余贈以詩有世
人嗜官味味盡同一止侯鯖不淹箸翛然君遠
矣之句吾亭謂不著題戲拈此解

漱石枕流計湖光綠處山翠濃時庾塵外從教靜掩柴

扉幽棲爲門前柳籬邊菊賦得歸期江南路儘蕪鱸勸
客竹馬牽衣 還思探梅舊崦終勝東閣追隨便尋常
猿鶴料也忘機相攜話鄂君被湘娥瑟怨抑誰知孤山
去且春陰就夢冷語尋詩余嘗晨過巢居閣偶得翠禽
冷語春未覺元鶴亂飛山自
孤二語君亟稱之

唐多令

垂虹舟夜

汀柳晚蕭蕭烟波十四橋
西風一葉舟搖秋意也如
人意苦渾瘦盡玉虹腰
淚點鮎冰綃香心冷翠翹
怨芳魂楚些難招長簟竟牀
燈燼落誰念我可憐宵

心日齋詞集

鳴雪詞上

十四

聲聲慢

己丑重過吳門
藹人墓已宿草撫今感昔且傷
新橋之逝舟夜漫譜此曲儻付雙鬟按拍必當
淚落連珠也

汀蒲換色岸柳欺寒征帆又落吳閭
樓指萍蹤西泠草
草三霜翩然夢回半枕把歡遊付與斜陽
紫霄遠想霓裳詠罷月斧攜將
幾度傷懷舊雨況鄰人怨笛吹冷
錢江兩地離愁知他仙珮何方蓉城倩誰寄語道塵寰
有客相望鴈去也秣陵書一例斷腸

碧牡丹

自錫山卻返武林朋輩招邀勉留十日勞歌未
已重賦短章

乍送輕帆去卻趁迴波住小別經旬早是秋光催暮醉
擷霜莫憐斷紅非故傷心江上尊俎 瘴鄉路黯黯情
味苦歡場可堪追溯怨綠眉峰應念天涯風絮甚日重
來尋唾絨窗戶一痕清淚彈處

玉漏遲

高已生錢充泉王遠聞同舟相送信宿別去嚴
陵道中卻寄

片帆八萬里琴歌興在仍寒吟袂過雨秋容侵曉越娥
心日齋詞集

鴻雪詞上

五

妝洗漫擬西湖鏡影也休認南屏烟翠還信未桐江一
路好山如此 三載慣約清游歎飲淥題花頓成前事
醉拍征衫空惜酒痕紅漬舊壘芹泥換盡更誰識歸舟
天際蘭橈倚魂消畫眉聲裏

應天長

章江雨泊

綠波南浦離情賦爭信生離情未苦玉飄烟風泊絮纔
是世間腸斷處 粉箋書羅襪步目送武林人去消受
鬢絲千縷短篷眠夜雨

解珮令

分宜中山社戲作

蘆溪翹望萍鄉翹望但宜春已如天上陸地舟行全不用蒲帆蘭槳儘船舷石棱相抗林巒無恙書堂無恙累篙師殷勤指向幾首青詞便做得丁家鶴相晒鈴山十年清況

喜遷鶯

全州迤南古松夾道連屬百餘里蒼雲滿天元鶴欲下此行爲不負矣

灘江行近訝涼繖萬重陰連無盡黛色浮空樛枝拂地幽賞驛程徐引悄然翠烟霏處乍覺塵襟清潤晚風峭

心日齋詞集

鴻雪詞上

十六

恍鸞吟吹下瑤天笙韻會問來鴈否衡岳片雲不許南飛趁何意征人身輕一羽卻向玉簪留印望中五釵承葢定有仙靈棲穩上元字但眠蠶誰寄悠悠芳訊

千秋歲引

玉冷空枝香殘褪萼尺素緘情隔天角西樓未忘掩扇語東郊枉負湔裙約畫堂春綠窗月儘拋卻依舊寫愁銀翰弱依舊忍寒羅衾薄錦瑟塵絃恨誰託青陵怨長從化蝶丹山夢遠無歸鶴任悠悠小欄外楊花落

更漏子

憶前歡思往事一穗玉爐烟細羅幕下繡簾垂春寒能

幾時春欲暮愁仍住眼冷故鄉何處憑夢去寄書回
衡陽無鴈來

又

趁墟來歸峒去幾陣綠榕絲雨敲社鼓唱巫歌陰風生
薜蘿行不得炎方客江上越禽聲急雲慘淡樹模糊
征帆天外孤

天仙子

屋角紅蕉花未吐南風吹過飛鸞去桄榔陰裏重行行
山棗路黃沙渡莫信澤家烟外語

飛鸞橋名

又

小日齋詞集

鴻雪詞上

七

凍雨宵分聲不定湘源漲起波千頃扁舟泛泛水中鳧
斜又整烏竿影直過零陵人未醒

又

一曲浯溪涼翠滴維舟更訪前賢宅窳尊石鏡儘留連
休去覓涪翁筆點點雲根蒼蘚積

又

前歲南行冬日好望衡九面清湘繞輕舟下瀨又今年
烟浪渺麻陽

舟名小七十二峰如過鳥

又

怪底朝來檣燕喜盈川相遇盈盈水一甌茶罷便分攜

情未已行還止終勝天涯書一紙

舟遇楊竹圃廉訪

又

溪口逆流流漸澀水車車水無涓滴一車纔過一車來
沙岸逼風輪激跬步萍川天樣隔

水調歌頭

滕王閣

彭蠡匯東澤章貢繞西城江湖左右襟帶高閣峙峻嶒
佩玉清歌散後畫棟朝雲開處小隊駐雙旌帝子渺何
許長嘯倚青冥 神奇事風借力快揚舲綿津當日題
字墨彩尚飛騰不見才人江上空有沙鷗別浦一舸待

心日齋詞集

鴻雪詞上

六

尋盟冷眼落霞外天水碧無情

閣上楹聯依然極浦遙山想見閣中帝子安得

長風巨浪送來江上才人宋牧仲先生句也

踏莎行

癸巳秋仲建昌縣道中

驛騎勤催郵籤緩遞橫波阻住青絲轡沙邊喚得樞頭
船勞人恰好閒身寄 臥柳霜凋野棠風細燕歸無復
營巢地傷心休問去年時盈盈水是哀鴻淚

定風波

潛山驛寄答佟艾生方伯

颺鞭絲幾陣西風人烟小市吹暝古驛延秋虛堂款客

暫得羈魂定翠雲深玉沙淨恰好灑廬秀眉映幽興負
松喬舊約攜琴蘿徑素襟漫整任緇塵黯澹殘痕凝
向銀箋拂處寒香袖裊歲晚心期訂倚清吟背窗影縹
暈燈搖半花冷還省一聲新鴈江南誰聽

又

宿州行館再得艾生書卻寄

瘴雲陰卯飲杯停驪歌柳岸催發冷落孤蹤淒迷影事
夢杳莊生蝶庾樓風皖江檝帶水盈盈限秦越情切到
而今翻羨羈禽天末翠箋半摺向郵亭兩度音徽接
正相思吟苦來鴻片羽飄墮空廊葉妙香凝古歡結洛
心日齋詞集 鴻雪詞上 七九

誦蘭言總心折行篋一編常對激懷秋月

瑣窗寒

賦得依依墟里烟途中書所見也

澹拂樓陰輕籠木末暗催秋暮將開又合只傍夕陽邨
墅任長空片雲自飛等閒肯逐西風去向水亭山館千
絲搖颺爲誰留住何處鄉園路但斷梗飄蓬易牽離
緒年光過眼消得幾番炊黍賦郊居塵鞅未閒耜畊舊
約人在否忍相看數點霜楓冷紅鴉外舞

滿江紅

重過粉坊琉璃街故居

屋角高槐閒問訊宣南坊陌記此地琴尊跌宕幾年棲
息半刺相忘磨滅後一家正好團欒日任旁人錯比子
雲居喧塵隔離聚苦無終極生死恨難拋擲但天台
重到淒涼岑寂芳草廊空蝴蝶化茜紗窗冷蠨蛸織歎
烏衣巷口燕歸來今成客

又

都中戲答人問

萬古雲霄問一羽何人當得但隨分南州承乏油幢畫
戟假節文從炎漢仿借緋句亦香山覓儘翩翩斜壓帽
簷敲螭坳立曾待漏金門夕曾視草鑿坡側卻翻疑
心日齋詞集 瀟雪詞上 三子

又

吳竹泉同年欲以戊辰同譜繪爲一圖命其姪
季文農部將畫師來爲余寫照而不似戲拈此
詞寄眎竹泉當爲捧腹也

小別廬山惜真面忘攜粉本費半日東塗西抹徒供一
晒有客同來吳季子平生最識周公瑾儘從旁指示頗
三毫心難印嘶騎發衰池進蹤跡遠鬚眉近怕丹青
見慣因疑成信他日重飛天上烏諸君但索圖中駿卻

翻猜扇外放翁誰驚相問

又

過新城縣買得白梁米憶亡友李賓石孝廉同

寓地藏菴舊事感賦 賓石新城人

一磬僧房記月下人來款竹還遠致秋勝珠寶纍纍盈
斛紅豆分拈花裏句胡麻共飽山中粥更無須乞米似
平原書成幅 蒿里唱當年曲萍梗繫誰家屋望子猷
門徑淒涼心目過眼雲烟朋輩少打頭風雪官程促問
勞勞塵夢定何時黃梁熟

又

心日齋詞集

鴻雪詞上

五

途中與客說家鄉肉

旅食匆匆話前事齒芬猶結忘不了衙齋近局消寒時
節餽歲相攜春釀早佐餐雅稱冬春潔未輸他松火玉
纖薰桐巖檝 吾舊里樊江涉今小築夷門接甚杭州
風味尊前貪說三載身慙東道主片帆夢冷西湖月但
溪山好處卽家鄉休分別

感皇恩

王莊阻雪二闕

滕六太顛狂搓綿攪絮市月霏霏困歸羽泥深沒蹀已
是津梁迷誤候人還爲說冰橫路 茅屋短垣荒邨且

住潑水衾凋臘寒護膏騰一枕只見玉龍飛舞斷魂尋不到章門渡

又

留滯意如何天公休問慣遣飛雲上愁鬢望雲心事爭得落霞紅趁遠遊應爲我縈方寸玉戲未閒珠杓空迅餞臘杯傳歲將盡魚沈鴈杳料是清寒難忍旅窗誰與遞春來信

永遇樂

風雪渡江宿九江通遠驛

退鷁風顛吐鯨浪涌帆葉掀舞宦海沈浮迷津指點漫

心日齋詞集

鴻雪詞上

三

唱公無渡涼秋暗雨殘冬密雪荏苒歲華成故想山中匡君笑客往來浪跡良苦郵亭夢裏烟波東望忍見寒潮生處簾幙輕陰琴歌歡意聊共燈昏語悠悠絮影依依蘭膳且喜早梅香吐歸期近庭前定有鵲聲報午

珠簾卷

東堂畔曉風吹輕飈澹粉迷離垂柳搖搖無緒閒扶牆外枝遠路春光晚晚殘宵夢語依稀爭唱渡頭桃葉渾不解寄相思

聲聲慢

偶檢舊篋得劉芙初詞箋有云更天際闌干斷

無人處撩上幾絲柳爲之奈歎

香殘鏤管淚泥瓊箋無端夢醒槐柯少別千年匆匆歲
月飛梭柳絲斷魂在否漫淒涼擁鼻吟哦凝望久只闌
干天際遙隔雲波憶昔東華遊倦幾留歡絳蠟買醉
紅螺恨入騷辭依然蘭畹愁多而今玉樓賦就比人間
哀樂如何子夜曲但揮絃彈作怨歌

漢宮春

藥洲訪石圖爲翁二銘學使題

花藥激湖乍英光舊跡輝映庭隅天教化工在手璧合
星樞蓮亭志喜勝蘇齋殘榻臨摹大輿翁閣學在
粵時僅獲榻本憑證

心日齋詞集

鴻雪詞上

三

取題名掌上當年陳九仙書邂逅章門持節幾留賓

下榻訪古停輿新攜換鴛妙墨一笑披圖山陰繭紙比

炎洲片石何如羨使者憐才似此人間誰歎遺珠君昨
按試

信州購得右軍墨跡數十字

鴻雪詞下

祥符 周之琦 穉圭

絳都春

擬吳夢窗

鴛鍼繡倦又珊枕夢回青禽低喚喚起絮雲咫尺天涯
愁無限迴廊步履成新怨況別母啼妝猶戀斷腸空指
靈芸帕上淚痕紅泣 凝眄盈盈帶水片帆趁燕影風
柔波軟佩解漢皋那信花開歸來緩圓冰寫翠秋容換
認娥月西窗人面紫簫吹入吳歛桂香夜煖

喜遷鶯

小日齋詞集

鴻雪詞下

紅梅

羅浮仙侶也閒趁好春脂痕勻注豔魄還丹冰肌暈酒
依約絳脣初吐翠禽爲誰啼醒卻向朱門留住問名字
記吹簫低唱松陵前度 偷覷窗外影嫌雪萬重夢冷
來時路倚竹新妝巡檐淺笑不管縞衣人妒十分出塵
香韻一例凡花輪與擬標格算人間只有秦郎詞句准海
詞如紅梅作花能以韻勝樓敬思語也

又

同人小集螺墩花事已過矣賦此以續李重光
恨來遲曲

晴烟吹絮對嘉樹秀筠闌干閒拊展齒香痕帶腰草色
多事曉鶯爭訴好花倩魂空往佳約芳期終阻鳳絃曲
但臨觴休按紅鹽新譜南浦離恨遠清淺半灣不是
仙源路流水三生碧雲千里錦字懶傳幽素黯然一江
風浪歸櫂還催人去楚天暝想輕寒已到馴鷗眠處

浣溪紗

乙未冬偶過北蘭寺

舊隱西陂跡已陳尚留詩屋寄雲門梵鐘聲裏幾晨昏
物外山含無盡意定中僧笑儻來人烟波何處問迷

津

心日齋詞集

鴻雪詞下

二

鷓鴣天

臘雪春霖報歲豐等閒歡意少人同湘簾燕子雙雙翦
別院桃花陣陣風浮鑿落唱玲瓏臨歧不惜醉顏紅
搏沙聚散尋常事只當相逢是夢中

又

江國陰陰水拍隄五年三見澤鴻飛可堪社鼓嬉春日
卻是征衫上路時人不見夢還疑此情爭得片雲知
從容坐嘯吾何敢看取吳霜鬢幾絲

又

琵琶亭

一曲琵琶酒半酣當時何苦淚痕淹生來泛梗原無著
聽徹哀絲亦未嫌人欲去句重拈清詞閒寫望江南
憐他老大商人婦只唱新聲昔昔鹽

謁金門

未至楓香十餘里山水驟發借宿邨舍

行不得何處篋篋喚客坼岸崩沙天易黑荒邨聊寄跡
此際蘭釭頰剔夢裏關山閒覓窺繩樞環堵室鳳樓人未識

惜分飛

烟外游絲風裏絮幾日分飛又聚西笑長安路故人杳

心日齋詞集

雪詞下

三

隔雲深處樂事潘輿天付與還向楓香喚渡今夜舒
城住夢魂已過江南去

大酺

輿行蘄黃山中紆迴深秀大似蜀道風景江楚
少陸行者特爲拈此

又玉沙清瑤林映佳景欣逢山驛行行青不斷訝脩眉
天際黛痕如拭棧閣曾經巫峰恍遇應有幽禽相識萍
蹤依然在但愁拈客鬢歲華非昔況吟屐重尋宋賢芳
躅倍添悽惻雞鳴還暗惜最惆悵烟縷詞人筆儘殿
上新歌傳唱諫疏長留總銷沈茂陵宣室異代襟情接

憑夢約竹樓今夕到黃鶴征塵息仙侶何處嵐氣沾衣
猶溼望中翠雲咫尺

西河

夏口詠古

江上路蹊田往事重溯婆娑舊是握椒人夢迷鷺羽霸
圖天授復何言羈魂長隔鄉土孔儀罪誰更數覲顏
尙繫簪組公卿戲祗諫書存殞身最苦等閒忠佞判升
沈空令遺恨千古少西禍水自媚嫵又桑中龙悅偷
許一舸悄然歸去耐淒涼剩有桃花祠宇飄落春紅愁
無語

心日齋詞集

鴻雪詞下

四

玉蝴蝶

鄂署在臙脂山半最後小樓尤高下視江漢交
流如在襟烏間

賦得送春詩了一邛一壑且住爲佳燕寢依然何況秀
倚丹霞午陰深餘芳戀蝶空翠溼曲徑盤蝸儘消他滄
波東去冷照西斜天涯憑高忍見風帆沙鳥烟柳晴
花望眼低迷可容飛夢到京華楚山孤休吟香草仙路
遠懶憶胡麻惱林鴉小闌干外歌管誰家

又

舍暉堂偶述

乍雨乍晴天氣烟銷霧縠織就春光送煖簫聲吟思暗
繞迴廊紫茸茸階翻嫩藥青嫋嫋砌引初篁試新妝傳
紅寫翠人在蘭房 思量南州此日琴閒玉軫杯冷瓊
漿似翦風斜小桃花外燕飛忙判消除綺羅殘夢重檢
點襟袖餘香意難忘舊藏鴉處一樹垂楊

留客住

歲暮留朱旭輪明經

君休去看駸駸年光如箭轉眼桃符紅入繡簾朱戶不
是江城冷寂定勝鄉縣但恐川途無盡臘候將殘迎春
權歌空賦 請君住算楚水吳波誰非萍絮歸也消魂
玉戲終妨烟艣此地風亭月榭秀筠芳樹去好何似留
更好且吟趁早梅翠羽啼處

又

再贈旭輪

留春令借新詞將人留下宛爾韶春消息與人偕訂一
片蒲帆卷雪待去還住賴有歌翻清夜曲按迴波牙琴
素心堪證 小闌凭問緩款東風憑誰題贈春好仍遲
卻要人將春等且看金泥帖換味辛盤釘翠管佳句吟
未了把新燕早鶯喚起香徑

又

心日齋詞集

鴻雪詞下

五

往年都門與吾亭賦春覺榮衍石以未諳此味
不肯下筆今客汴中再逢餞臘計已飽嘗戲成
此解以代逋券

東風榮歎多時拋殘鄉味枉了隋隄春色繡畦相待欲
問樊樓淺酌舊夢何處剩有承筐新翠壓擔餘寒相思
市橋吟賣賞心再負綺語潘郎春明詞債纖手青絲
莫任年華催改此際晶鹽一筋賦才無礙句好應寄南
鴈影指鶯脰水邊按譜人在

吾亭僑居嘉禾

桂枝香

署中叢桂數十株交柯接蔭百年物也今秋著

心日齋詞集

鴻雪詞下

六

花尤盛詞以賞之

虛廊縱目又露溼晚秋庭院如沐還見雲根秀倚霧綃
凝綠西風不管青腰守任吹開萬枝金粟容衣塵冷依
稀猶染小山餘馥念傳舍光陰轉轂尙吟翫珠英情
寄三宿一例茵憑自許賞心人獨天香正好披襟處更
佳音仙藥初擢故園此際霓裳應聽廣寒新曲

是日聞汝筠鄉

試捷音

洞仙歌

李石梧觀察以梧笙館聯吟圖卷索題小病久
置案頭及石梧悼亡始成此闋

春風梧苑慣柔毫閒弄況有蘭閨玉人共向金臺鬪韻
珠海分箋全不數當日秦娥簫鳳 梁園飛絮早絲繡
空囊豈意韶華遽相送銀字掩孤噸一卷哀辭歎我已
潘絲霜重算香散蘅蕪十年餘又振觸西湖那時殘夢

南鄉子

吳子晉乞題蘆鴈圖卽送襄陽之遊余以嘉慶
乙丑館於洛陽縣署子晉季文兄弟皆從余學
今季文下世圖爲憶弟而作

孤影又南翔歲晏何心問稻梁卵色天低秋水闊茫茫
忍說他鄉勝故鄉 燈火記書窗錦樣脩翎正著行三

小日齋詞集

鴻雪詞下

七

十五年纔一夢淒涼卻向襄陽話洛陽

朝中措

自題山水小景

吳綉尺幅寫幽襟寸碧倚瑤岑地僻更無人問山虛不
在雲深 圓波澄鏡方流折玉佳趣堪尋一穗白蘋烟
影等閒涼到秋心

齊天樂

過金梁橋

十年一覺春明夢魚梁尙留殘照片月牽魂新詞按譜
爲爾鞿懷縈繞塵襟淨埽儘曲記流珠句拈香草倦枕

低回旅窗紅暈一燈小 荒灣依舊斷板素蟾涼影外
幽境重到岸柳輕陰烟莎澹碧幾日西風吹老歸來自
好只袖底銀箋賞音人少付與清吟晚蟬秋樹杪

好事近

冷落七陵烟秋在玉津園側三載金梁月底住天涯羈
客 侯家岡樹望中迷來去總銜恤忍說瀟瀟風雨作
他鄉寒食

又

招隱故人書孤負錦箋盈篋拈出中仙詞句但擁門黃
葉 玉觴無味已多時懷抱向誰說惆悵燕鶯聲裏賦

心日齋詞集

鴻雪詞下

八

曉風殘月

又

一櫂柳園津還擬汴隄遊歷珍重陌頭烟縷付登樓人
憶 秋花驛路尙多情塵外似相識錯向淒紅冷蘂認
春風顏色

謁金門

愁脈脈還是飄蓬蹤跡水遠山長音信隔秋衾殘夢積
燕子欲飛無力何處人家坊陌如此光陰如此客相
思留不得

巫山一段雲

庚子秋仲廩延道中

野色侵衣袂秋痕惱鬢絲碧雲無盡鳥飛遲心事定誰
知憶別空餘夢言歸未有期斜陽冉冉柳依依長記
出門時

漢宮春

湯陰岳鄂王祠

已矣金牌歎黃龍痛飲此志終乖誰令兩河盡棄并棄
江淮機危禍慘問蒼蒼何意生才空慟惜風波獄底英
魂毅魄長埋當日精忠賜字幸小朝氣振康構心開
長驅背崑勁旅敵欲應摧權奸賣國任中原板蕩興哀
心日齋詞集 鴻雪詞下 九

僥倖煞強鄰酌酒免教膽落飛來

又

鄴下

漳水名都被濁流淘盡霸業當塗銅臺那時片瓦一例
榛蕪苴茅建國逞雄心炎運將徂渾未省當歌對酒人
生朝露無殊還是閨房眷戀笑分香賣履遺令區區
知他畫眉未畢鬼妾誰娛殘魂餒矣更何人上食朝脯
君不見西陵廢壠年年衰柳啼烏

剔銀燈

磁州數十里間清流夾道蒲稻彌望北轅所僅

見也

一路緇塵惱客恰有磁州今日滑笏圓波迴環淺滌彷彿舊遊曾歷勞勞行役只此處煩襟消得芳草誰家蘭澤想像漁莊鷗國柳影綠隄菰香吹水點出倪迂小筆輕舟儻覓勝吟倚一鞭秋色

氏州第一

泥塗困憊道旁金山寺僧廬甚潔因就宿焉寺

在趙州南二十里

斜日山銜高岸路阻愁看漲潦千頃暮色冥迷脩途困頓爭得羸驂再整彈指青蓮乍現出招提幽境遠客心
心日齋詞集 鴻雪詞下 十
孤虛寮夜寂妙香凄冷對語枯禪渾未省梵吟外自尋清詠細字銀箋秋燈翦處說倦遊萍梗卷羅雲窗送曉沾泥絮依然不定壁上重題任長留空花小影

天香

太僕寺署在東城根積水迷漫清曠可悅間日一詣茶話外寂然無事足當仕隱之目矣邀賦

梅舫同賦

衰柳敲烟虛堂面郭微波照影清泚路隔平沙門橫淺滌大好寄鷗閒地參差雉堞送暝色涼生襟袂只少西山拄笏分他絳霄雲氣餐霞勝遊漫擬但招攜玉珂

蘭契一榻六街塵外簾紋如水商略庭陰半畝要秀竹
踈槐翠相倚待約明年春禽喚起

埽花游

鐵仁山總憲招遊城西某氏園

粉垣帶郭是舊日朱門賞心佳處翠箋喚侶借閒園半
角勝游星聚倦客幽尋過眼韶華試數悄回顧問選石
蒔花人更何許 蘭綺今在否但豔槿漚珠暗隨春去
燕歸自語歎高樓似昔杏梁誰主臥柳敲橋總被羣鷗
占取小山句爲王孫桂叢吟苦

慶清朝

心日齋詞集

鴻雪詞下

十一

晚登陶然亭寄懷衍石泮中

野水鸞環空烟澹薄孤亭尙戀斜暉游驄散後幽尋塵
外偏宜暗想南湖鴈影翩然衝雪獨吟時蕭閒境冷懷
高韻襟抱誰知 今我瘦藤倦倚對女牆西畔隱約山
眉虛廊墜葉從前爪印都迷換盡蘆灣細柳一枝不借
暝鴉棲夷門路悶拈新句遙寄相思 鴈影巷衍石齋名

望海潮

京寓對雪

重陰垂幕長空卷絮紛鋪萬頃瓊田魚夢乍占鯨波未
息南雲尙駐戎旃風勁鐵衣單想營屯千帳清角吹寒

勝事園林漫將尊酒賦華筵
家家臘鼓騰歡待功成
洗甲慶入新年銀海浪平
天花陣舞從教淨掃蠻烟
一白虎門山看櫂槍夜落
旌旆春閒料得紅旗送喜
早晚到長安

探春慢

辛丑都門元夕二首

紫陌春回禁城夜煖瓊簫燈市吹起漠漠烟痕溶溶月色掩映曲坊珠翠嗟念文園老漸羞趁落梅穠李玉荷滴盡蘭膏不堪纖梗猶繫重湖槐街舊侶曾幾度擘牋同賦藍尾二十年來游仙一枕消得光陰彈指親友
心日齋詞集 鴻雪詞下 三

又

彩筆愁拈畫屏倦倚良辰誰共游冶小篆香消微波簾卷還又夕陽西下曾說金錢買信一刻春宵無價舊時月色依然酒邊心事慵寫此際鄉城漏永應埽盡碧雲庭院瀟灑暗卜油花頻挑烟蕊遙憶長安今夜相對團欒影儘腸斷吳蘭詞把夢約教尋從他燈穗紅地

惜秋華

偕許演生少農斌梅舫岡卿宿萬壽寺

秀挹庭陰破烟霏放出林間山影茶話未闌侵尋竹房

催暝相攜半榻閒身到世外棲鴉纔定清聽又廊腰暗
落風邊涼磬 前事在重省歎衣珠無覓鬢絲塵凝新
侶舊歡依然素心堪證看花待約芳期間何日翠嬌紅
靚松徑且明朝玉闌同凭

喜遷鶯

紅袖添香夜讀圖爲王蓉洲孝廉題蓉洲余僚
婿今皆作玉溪生久矣

蘭缸紅綻更偎倚畫中春風人面釵影橫窗書聲出屋
恰和小鶯低轉篆紋蕙鑑輕裊冶思梨雲相亂可人語
問芸編何似柔鄉堪戀 眉案還記取簫鳳謝庭一例
神仙眷好夢難留潛痕宛在憔悴玉京重見絳河舊情
空溯珠樹才名爭羨稱心事待濃薰祕省宮袍催換

又

陶鳧薌同年爲覓教場胡同宅丁香二株可愛
急欲移居而不得賦此解嘲

頻番胥宇似春燕乍來偷窺簾戶萍梗孤蹤蘭言一諾
剛被玳梁留住廣庭十弓猶欠瓊萼雙身先覩勝情引
小書堂恰在花陰深處 空課前度客三匝故枝欲去
仍回顧事逐烟涼人如舟繫偏託石尤風阻幾時素塵
閒掃著我琴尊容與粉香裏試清吟好約柴桑仙侶

心自齋詞集

鴻雪詞下

十三

又

三官廟海棠高花簇錦陰如槐幄或言是富陽
董文恭師手植

春情寥寞又緩款信風吹開仙萼柳外鞭搖城隅路轉
開赴紫綿芳約宿醒太真初醒悄倚瑤臺珠箔泥人處
弄嬌姿還勝翻階紅藥犀杓休更舉重溯夢華酒味
渾忘卻一日歡游百年遺恨誰會此時哀樂舊山富春
空冷餘蔭香林猶託便歸好怕西州清淚彈將花落

齊天樂

閨九誦芬圖爲吳紅生閣讀題紅生尊甫薈亭

心田齋詞集

鴻雪詞下

古四

先生官楚日曾於便面繪閨重陽雅集圖賦詩
倡和紅生昆仲壬辰九秋遇閨述其事也

武昌官柳依依處詩翁舊游曾說嘯侶身閒哦秋句好
未信風流消歇桐陰翠疊爲重續前盟乍添新葉扇底
清芬賦情應許漢皋接香名傳徧畫省況金昆墨妙
吟社同結事往題襟人來落帽肯負萸紅時節披圖意
愜見一角螺雲半灣蘆雪又觸相思剡溪今夜月
令兄
崧少
今出守越中

鷓鴣天

慙愧雲亭半載留又銜恩命向炎州遄征有幸騎官

馬樂事無因戀爽鳩 尋故步話離愁
觚稜天半夢悠悠 十年前後三持節
蒿蔚餘生已白頭

燕歸梁

汲縣與家人別

烟柳淒迷夕照沈 離思難禁無根風絮
苦商參歧路外兩分心 仲春相見殘春別
新悵望更從今 竹雞啼處瘴雲深
且休向夢中尋

宴清都

從弟晁映侯我於管城同行至許昌辭歸里門

憮然有作

小日齋詞集

鴻雪詞下

五

翠羽東風便郵程 隔始知家近天遠
看雲念久連牀夢 熟快心重見題襟
怕說分襟況舊隱仍孤望 眼試問取
老圃閒花橫枝暗 葉誰翦 匆匆半載
京華塵勞自省 羈思空亂繁臺夜
月隋隄細柳一番春 換相攜步履吟
眺勝路逐衡湘去 鴈待長成新種丹榴
歸來未晚

又

雨宿漢鎮金殿珊侍御過我夜話

候館駢驂駐苔岑 合夜關前事重數
晨星半落閒雲獨 往乍欣萍聚長安
片月迴看奈過眼 徒驚迅羽枉羨憶
紫陌吟身年華駟隙空度 南來第一
消魂淒涼況指

江上鸚鵡春暉寸草秋風斷梗此情誰語陵陬絳萼餘
恨更忍問循陔舊處但與君翦燭同聽西窗暗雨門下士今
惟賈亮齊張綱堂徐松龕周竹溪趙印浦崔東軒在仕
籍可謂晨星落落矣

倦尋芳

渡汨羅

素波箭激新漲匳平舟艤烟浦道左殘碑題字不堪重
撫寂寂江天如夢寐悠悠湘水無今古悼貞魂但懷沙
事往九歌悽苦憶澤畔行吟憔悴漁父難招詹尹空
訴怨偶椒蘭爭念美人遲暮魚腹長憐埋恨日蛾眉豈
有容身處近端陽聽迎神數聲簫鼓

心日齋詞集

漁雪詞

六

阮郎歸

余以嘉慶癸亥就婚於長沙郡署閤今三十九
年舊遊重歷距先室之歿一星終矣

片帆當日溯湘波春光媚綺羅一鞭今日再經過騷辭
怨女蘿雲黯澹路盤陀行行山更多鷓鴣聲入越巫
歌征人可奈何

澡蘭香

長沙重午用夢窗韻

秦簫舊侶楚佩餘情一枕葦華夢覺前蹤好在令節依
然枉說茜窗人約裊釵符續命無憑魂消幽蘭半萼採

艾吟心怨入離披汀蕩 想像庭扉掩處淚點湘筠尙
棲仙魄花源權檣橘社書傳忍問墜蛛塵幕儘相看露
井銀瓶誰摘梅黃勸酌步倩影月夜歸來三芝欄角長沙
郡署舊有三芝亭

念奴嬌

湘衡間淫雨積日山水漲發流潦載途郵傳所
經半成巨浸時復瓜皮一葉以代征輶漫成此
詞亦勞者之歌其事也

五湖空約爲迷津翻學鳴夷生計鈞艇漁舟頻喚取替
卻駢駢征騎蕙帶徐牽蓀橈緩蕩萬頃玻璃碎青溪幾
小日齋詞集 鴻雪詞下 十七

折晚風吹夢無際 當日跨鳳偕歸玉尊雙飲笑語篷
窗倚一綠鴛波依舊好誰念羈禽身世帝子貞筠靈均
香草況是埋憂地楚騷歌罷水天何限秋思

踏莎行

風勁小舟可危倩鄉民導行山中三十餘里暮
宿衡嶽道院

路阻橫波人來仙館迷途巧借東風便當時九面望湘
帆誰知靈境尋常見 楚竹烟迷越禽聲喚榕湖計日
征塵浣舊遊風景記分明無因說與衡陽鴈

醉蓬萊

全州古松余嘗有詞紀之十年再至存者無幾
俯仰今昔殆難爲懷

又衡雲過盡咫尺湘源舊遊重到望裏平林怪翠烟如
婦鳳葉凋香虬枝翦玉任摧殘多少一曲薰風等閒翻
入怨琴淒調金谷杯傳繡牋吟倚帳燭檐花祇供清
嘯大好靈蹤付亂鴉殘照物自無言樹猶如此更何人
不老兩度驂鸞千年歸鶴夢回空惱

惜秋華

夔砧課讀圖爲王少鶴農部題

舊業青箱誦先芬幸託熒熒月姊珠樹俊才名成擣衣

小日齋詞集

鴻雪詞下

六

聲裏冰綃細寫前塵照燈影柴門深閉誰記有元龍省
識當時情事宮錦豔珂里是寒砧疊就香羅文綺霜

杵淚痕悽紅向沾摻指扁舟畫省歸來勝清河相望天

際迎侍趁明年一帆春水

清河用姜白石事元龍謂桂
舫也

齊天樂

櫻桃和張詩舫方伯

珍叢分得安陵種垂檐幾絲風裊翠祿懸餘筠籠贈處
量取圓珠多少羈魂暗繞問寒食東田甚時重到此日
嘗新轉蓬空自繫愁抱柴車雙泊路引指繁星密綴
千樹紅小薦筍光陰秉蘭節物長憶家園春好韶華誤

了但錦字書沈玉簪人老夢裏松楸近年誰爲婦櫻桃
鄉鄆陵爲最余家先壠在焉雙泊水名以吾

浪淘沙

題黃杏帘廣文灘江歸擢圖卽送還里

一櫂許灣春舊里情親金萱花下綵衣新空阻陡門三
十六無計留賓 蕙帳隔吟身鶴怨頻聞北山原有去
來雲明日片帆江漢上我亦歸人

酒泉子

染黛天低搖颺東風雲一縷乍疑晴還欲雨兩迷離

麝薰消盡羅衾薄涼意襲人人未覺紫徘徊紅躑躅喚

心日齋詞集

鴻雪詞下

九

春歸

又

往事尋思倦枕閒偎屏半掩月明殘燈燼暗曉星移

採香慣向幽叢趁怨粉愁紅誰與問蝶無情花有恨各

分飛

又

綠暗紅稀昨日東風今日客繡窳空珠履隔昔遊非

曲房幽徑無人處卻是閒花偏解語白雲編黃石墓有

誰知

慶春時

早春簾戶良宵風月懶近芳卮凝珠蠟鳳銜花綵燕長
憶少年時 寒梅香信窗外幽夢誰知苔箋自倚蘭缸
頻剔留待曉鴉啼

江城子

年來同城僚屬自方伯觀察以及桂林臨桂守
令相繼殂謝南中氣候殊異賈生所以賦鵬也
感歎而作

嶺南西路夢悠悠聽蠻謳叫鈞軒長向刺桐花底賦離
憂勾漏丹砂無覓處春易盡水空流 幾回丹旆送歸
舟憶同游影仍留一綫斜陽猶戀竹棚頭老去文淵重
心日齋詞集 鴻雪詞下 三

曳足南鴈外怕登樓

漁家傲

末疾艱於步履疏請開缺交篆後書寄汝筠時
在丙午七月

六十五年嗟老矣衰殘那更朝衫繫人說歸來陶令擬
知也未鄉圍風景而今異 浩劫連番瓜蔓水噉鴻中
澤餘生寄寒故淒涼書一紙蓬戶底相看可有相憐計
摸魚兒

索陳桂舫孝廉寫邨居圖扇

古咸平數椽小築鄉邨風物堪溯柳隄槐巷尋常景幽

意也傳臺素君儻許爲黠染來青粉本甌香譜閒雲貌
取更六枳籬邊鄰翁三兩倚杖話農圃 郊居好消受
竹晨花午漫嫌歸計遲暮沈吟後約從君問畫裏可能
同住清汴路夢不到綠榕紅豆銜杯處低回俊侶對幾
摺踈筠相思未抵官閣翦燈語

又

發桂林日再贈桂舫時與之同舟而北

散蜂衙著春無處寥寥塵夢今醒青羅碧玉依然好簪
組那容衰病遲暮景空愧負嬰鳴麗句紛投贈鷗盟未
冷待掃盡煩襟攜將勝友敲枕權歌聽 殘冬日漫說
心日齋詞集 鴻雪詞下 五

滄波路永歲寒心事堪證湘蘭楚竹遙相待只要一帆
風正還自省怕漢渚隋隄容易分萍梗停驂儻肯爲黠
筆重描金梁月底新柳幾絲影

倦尋芳

衡陽阻雪

佩蘭怨曲啼竹潛痕魂斷何許弔古人來還是凍雲愁
聚倦鴈稀迎前度客昏鴉冷寄誰家樹數歸程但梨花
夢隔扣舷空阻 念幾日湘南留滯窗暝棲烟燈暗吹
絮望眼冥迷不到夕陽紅處拂檻徒誇羣玉見推篷忍
看飛瓊舞倚新詞待催將權歌聲去

詞成次日示桂舫
桂舫笑曰倦鴈一

聯有殷仲文顧庭槐而歎神理

玲瓏四犯

載雪開行餘寒殊勁呵凍作此途中聞賀蔗農
待御於數日前病歿此吾三十年素心友也雪
阻不及一面并以志恨

欲霽仍遲蘸淡墨雲痕低護輕靄溼粉踈窗恰是碎瓊
堪愛休笑凍粟皴肌儘夢倚玉林瑤界伴冷吟姑射仙
影多幸短篷同載 賈生祠畔曾遊處想探芳慶湖入
在早梅暗逗春消息容易風光改爭奈怨入素琴還淚
灑幽蘭絃外軟輦紅塵裏茶香酒綠此情難再

小日齋詞集

鴻雪詞下

三

望湘人

丙午除夕泊舟洞庭湖鹿角書所見

又嬉春畫鼓迎歲繡旛半湖燈舫相倚響竹驚鴉素波
泛蟻草草辛盤風味六博酣歌判教忘了征途憔悴任
遠空一抹烟痕冷卻君山眉翠 乘興船窗更啓待桃
符句索彩毫閒試奈天角孤雲尙隔故園千里吟香舊
館玉箋誰寄幾日新韶彈指囑好夢今夜先歸看取梅
花開未

長相思

岳州元日

雙槩催程半帆借泊危樓高倚層雲風光自好暮景仍
斜禁他簫鼓千門窗隙流塵但屠蘇送老醪醲悽魂波
泛碧鱗鱗有天涯詩句懷人念珠絡藏香繡檀攜枕
歸舟曾繫蘭津曇花空外影總飄然殘夢無痕欲話前
因應恨斂湘娥翠擲掩孤篷休教字寫宜春

西子妝慢

長江順流緩蕩日可百餘里舟人懶於搖艫稍
值風逆輒喜打箴人隨篷腳俯仰昏昏如病酒
北客尤苦之然橫翔非能速進也

帆角低垂船舷側轉借得橫斜風勢畫橈容易送輕航
心日齋詞集 鴻雪詞下 三

問終朝亂流何意騎危漫擬稱去聲倦客閒眠假被蕩吟
魂笑雨雲翻覆浮生如寄 人間世行止由天關捷非
吾事巧心妍手任營營但忘機狎鷗久矣烏竿誌喜看
綉羽飄搖北指勸長年好去攤錢浪裏

驀山溪

漢口三宿燈市喧闐殊有春意

晴川黃鶴與我周旋久天外一帆風破餘寒輕裝來又
簫聲吹煖剛是上元時青嶂月錦街燈夜色明于晝
劉郎重到往事回首冷落舊巢痕想依然燕支紅透
桃花開早何處媚芳春迎過舫送歸鞍不及長亭柳

渡江枉顧者武昌郡丞李君一人而已

最高樓

黃塵裏邨墅半榛蕪且幸見吾廬春風拂面餘寒在晨
星僂指故交踈問家中猿與鶴近何如也不爲柴桑
三徑菊也不爲淇園千畝竹衰病體愧簪裾坐忘只合
匡牀倚行吟仍怯短筇扶且安心重補讀少時書

心口齋詞集

鴻雪詞下

三

退菴詞目

醉花間

好事近

一萼紅

子夜歌

慶春宮

浣溪紗

十二調

女冠子

蝶戀花

減字木蘭花

太常引

燭影搖紅

鬪百草

錦堂春慢

曲游春

木蘭花慢

徵招

雙雙燕

滿江紅

心日齋詞集

退菴詞目

河傳

六調

聲聲慢

漢宮春

甘草子

留春令

卜算子

杏花天影

卜算子慢

山花子

謁金門

五調

鶯啼序

愁倚闌令

二調

河滿子

三調

醉垂鞭

惜雙雙

水龍吟

石州慢

摸魚兒

阮郎歸

二調

采桑子

三調

更漏子

金縷曲

水調歌頭

鷓鴣天

心目齋詞集

退菴詞目

一一

木蘭花

鷓鴣天

更漏子

金縷曲

退菴詞

祥符 周之琦 穉圭

醉花間

道光丁未二月朔抵家作

一葉扁舟初著岸荷衣今始換慙負素餐詩忍飽田家
飯 犁鋤身未慣芻豆 恩猶戀玉京知近遠隔河一
十四郵亭望東華長在眼

好事近

一榻寄吟身燕子頻窺簾隙欲問南村花柳恨孤筇無
力 等閒窗外雨疎疎幽徑蘚痕溼忍對濃春烟景說

心日齋詞集

退菴詞

西風消息

一萼紅

衍石同年贈杏花二枝腴以妙詞依調賦謝

浣征衣歎緇塵滿眼無處認芳菲隔巷遙傳迎門一笑
還似闔苑初移展方絮新聲自譜賞心事錫白粥香時
枚館清愁蠶湖歸夢此意誰知 曾是曲江開好甚珍
叢折取怨別瓊枝斐几藏春銀瓶寄豔深護金屋嬌姿
算猶勝封姨暗翦掩紅淚輕逐燕鶯飛舊日名園倚處
莫寄相思

子夜歌

自辛巳至丁未舟車南北時有紀程之作公牘
餘閒間亦弄筆積久漸多家居輯而存之命曰
鴻雪詞廿七年宦跡聊資尋夢云

剡溪箋一編行記荏苒歲華重省寄情處南船北馬好
句爲誰題贈山館琴樽河橋風月那復傷萍梗但相看
鴻爪餘痕還是簡書周道寸心堪證試僂指天涯舊
跡幾度雨昏烟暝葛吳莼蠻花郢雪過影仍留影儘
含宮嚼徵侵尋霜鬢吹冷倦羽歸飛片帆催卸纔始吟
魂定按新聲小拍紅牙喚教夢醒

慶春宮

小日齋詞集

退菴詞

題仇實甫漢宮春曉圖卷

野雉亡來哀蟬吟後漢宮別樣春光玉樹周阿金釭銜
壁粉雲浮動花香舞扇留住趁殿角西風未涼班姬何
許空裂齊紈掩袂情傷繁華過眼滄桑沙麓元城妖
讖難防傳詔紛馳持弓闌入做成文母禎祥仲卿書奏
累長信輕拋淚行誰移炎祚休說當時禍水昭陽

浣溪紗

近市翛然晏子居藥闌迴合榷籬疎慣看烏雀下階除
載酒斷無人問字打門恰有吏催租到家翻遣客懷

孤

又

花落花開鎮掩門
忘機不識繞街塵
寂無餘事稱閒身
梁燕依然同逆旅
鄰鶯爭解喚鄉人
悔將心跡託歸

雲

又

舊侶分張喚奈何
涼秋無夢到烟蘿
獨絃彈斷不成歌
眼底曹蜍生氣少
耳邊莊蝶寓言多
此情容易隔天

河

又

客有君房妙語言
揚州騎鶴興翩翩
傾身障篋總堪憐

心日齋詞集

退菴詞

三

情話漫尋潘騎省
清芬誰誦陸平原
悶思陳事一悽

然

又

酸棗河傾憶昔時
洪波吟得阮公詩
十年風景幾遷移
暗草螢飛倉史墓
陰廊鬼語信陵祠
等閒牲醴祀屠

兒

又

詞賦梁園久劫灰
遊人還問孝王臺
多因帝子解憐才
咫尺僧寮環塔址
兩三村舍傍城隈
已無餘地館鄒

枚

又

輒繡天街舊有名九君傳序費經營至今猶說宋東京
一穗冷烟春錦閣半灣流水翠芳亭上河圖畫不勝
情

又

玉樹瓊枝感舊因教坊歌罷暗傷神不堪洗面藉潛痕
青蓋辭吳猶愴惻華亭入洛尙酸辛重瞳那作汴州
民

又

金字心經施上方澄心遺蹟付滄桑累他嬪御祝空王
心日齋詞集 退菴詞 四

春水東流如夢寐秋風西塔剩淒涼一花垂淚佛前
香

又

三黜何勞賦謫居芝蘭香冷寸心孤鷄鳴草草歲云徂
勇退漫思綿上隱生存休問茂陵書紫垣還記舊人
無

又

樂府東都迴出塵小山以後數清真風流秦賀足消魂
橋柱枉逢題字客旗亭無復按歌人嬾邀明月認前
身

又

十載宣南夢裏家
珠巢彈指卽天涯
可知宮樹不棲鴉
一榻沈吟淇上竹
數枝憔悴洛陽花
冷筇閒倚望京華

女冠子

蛺旌珠箔咫尺五雲樓
閣堊參差蓬島千齡藥
華陽十賚辭
傳情金帶枕倚醉玉交卮
不是鸚哥語有誰知

蝶戀花

禱雨靈壇烟篆細
甘露金瓶幾滴耕夫淚
眠夢阿香醒也未
焦原渴望雷車至
蜥蜴曾無窺管智
一紙官符心日齋詞集
退菴詞

五

減字木蘭花

涼棚

杉竿幾柱細篾疎筠相綰住
小簾微涼不許西樓到夕陽
輕陰夏五底事梅炎偏易雨
雨亦堪聽畫舫江南憶此聲

太常引

塵沙拂面阻清遊
長日下簾鈞誰倚鈿篋篋儘彈出新
愁舊愁
朋尊冷落詩懷潦倒排悶強登樓
風柳一枝秋認當日烟花汴州

燭影搖紅

己酉元夕

三五良宵乞漿且喜年逢酉祇今無復萬枝燈也自游
驄驟迤邐瑤街左右鬧蛾兒盈盈茜袖玉梅香煖爆竹
烟深聽殘蓮漏 春日春盤翠尊不用清歌侑等閒留
住月嬋娟相伴啼鴉後屈指韶光暗逗儘安排尋花問
柳鳳簫聲裏願得年年歡娛依舊

鬪百草

荼蘼作花甚盛詞以賞之

薄煖庭階漸長天氣韶光老闌苑移根翠陰壓架千朵
心日齋詞集 退菴詞 六

粉雲細裊認幽姿恰淨洗鉛華天然娟妙更嫩蘂含風
濃芬裊露伴人清曉 還是尋香蝶趁摘豔蜂忙那說
一年花事了梨夢酣餘柳綿飄盡宴飛英芳尊自倒淵
明語得稱心時固爲好漫相惱任西園杜鵑喚早

錦堂春慢

庚戌春仲小住都門適俞疇香屏在京候禮部
試三年之別相見甚慰惜余過歸在卽不及留
待榜發因填此解

葵藿孤生菰蘆稿項十年重踏京塵幸天涯萍梗握手
情親往事傾談未盡清愁別袂仍分算虹橋路迴鶴蓋

陰濃難著閒身 鏡蓉佳讖應準但驪駒催喚欲住無
因望切泥金好語早寄衡門射策君宜上第看花我愧
陳人問新鶯隊裏舊曲誰知山抹微雲

曲游春

道旁短垣中緋桃餘花數朵妍媚可悅如使移
植都門必當忙煞遊春車矣

一水疎籬映見小桃朱朵牆角低亞麗質天生甚芳根
偏寄冷烟茅舍休問量珠價夢不到玉樓瓊榭儘露華
啼溼東風肯學杏紅偷嫁 妍雅幽懷暗寫似空谷佳
人塵外瀟灑可惜啼鶻喚仙山歸去倩妝輕卸嘶騎閒
心日齋詞集 退菴詞

七

門下更誰記乞漿餘話無奈燕麥元都爲伊恨惹
木蘭花慢

詠柏鄉店舍柳

怪當門細柳見行客似依依記檀板徵歌金尊喚酒翠
繞香圍芳菲舞腰倦倚正三眠三起泥人時消得天涯
別恨渭城一曲新詞 凄其花月舊情非烟穗只低垂
歎尋春年少何人解憶當日顰眉禁持峭風暗翦便章
臺瘦盡有誰知指點黃昏院落暝鴉飛上空枝

徵招

今春匆遽赴都街石過我敘別辭色慘然有異

疇昔心竊訝之未幾余歸而君竟以病歿素心
人往誰與數晨夕者悽矣

北山偶爾停雲出匆匆暫分吟袂話別未移時早嬰鳴
人逝舊盟今剩幾忍重溯紫垣遺事四十三年澹烟清
夢暗飄燈穗棄置竟何心江鄉路難尋狎鷗閒地干
卷史公書儘周南留滯卜居辭漫擬已零落蕙纒蘭佩
廣陵散一曲哀彈歎古音誰嗣

雙雙燕

嘲燕

柳塘杏苑認當日輕盈漢宮姝麗斜風一翦弄影愛尋
心日齋詞集

退菴詞

八

羅綺久住芹泥舊壘又貪說烏衣門第終朝絮語呢喃
那識投懷深意前事吾廬曾寄待小院開簾更將春
至翩翩何許慣向玉樓凝睇王謝雕梁任倚但秋社光
陰能幾從他錦字傳箋空惹故人清淚

滿江紅

甚矣吾衰七十載光陰虛擲會幾度春來秋去曦輪已
仄脈脈徒懷塵外想悠悠終是人間客憶東塗西抹少
年時嗟何及雞與鶩從爭食蚌與鵝從誇力但相看
一笑馬牛風隔長慶詩筒餘昨夢永和禊飲成陳跡歎
曹劉沈謝盡消亡今誰識

錦浦佳處浣花祠宇梅柳成行掃眉人去還見金井叢
篁繞迴廊勝遊爭免天涯感衣香減羞說緇塵染輪
他仙侶依舊蓮燭分光賦長楊

又

湖上烟浪搖搖畫槳事逐春移蘭闥扶病心緒花落鶻
啼弄妝遲六橋風景成虛擲青鸞翼一去無消息水
仙鄉裏迴首玉局荒祠斷腸時

又

滕閣帆落烟光澹泊山色空濛烏鹽一曲新譜催唱玲
心日齋詞集

退菴詞

九

龍醉魂中落霞孤鶩年光換蘋沙岸寂寞閒鷗伴庾
塵不到何事腰扇匆匆障西風

又

黃鶴城郭笛聲依約吹盡寒梅東君有意還許輕燕飛
來繡簾開箇中心事沈吟久曾知否夢冷鴉啼後萍
漂一葉閒倚江上樓臺暫徘徊

又

嶺外誰在湍流水帶峭立山簷家園春色空倩幽夢重
尋瘴雲深漫拈遷客傷心句蠻江渡幾見人歸去秦
郎已矣留得子夜哀吟古藤陰

又

祝九宗伯枉過戲贈

十弓地小遣吟情種得尋常花草
吠影吠聲那禁羣兒相告說平泉無此好
長安貴客心傾倒來便窺園寓
目翻成笑鳩拙一枝誰向宮鶯傳
報誤煞人秦吉了

唐宋

人河傳調各不同此用秦少游體

聲聲慢

風雨通宵籬菊損敗感歎成詠

亭亭素豔惻惻孤芳禁他風雨摧殘
老圃秋容爭信晚節艱難東籬慣
招舊隱記金英簪鬢會看尋步屨甚
啼心日齋詞集
退菴詞
十
蟹壤壁怨語更闌還是題糕人在
奈子安序冷元亮吟慳夢遠湘臯誰
念楚些哀彈重陰望中未解寄清愁
何處南山松徑裏願香心同保歲寒

漢宮春

汝筠率孫輩頻年督勇剿賊今以詔
關解圍均

獲遷秩感恩述事賦此寄筠

嶺上梅枝送春風芳訊直抵吾廬
陵江一軍獨進淨掃荏苒鳴琴未幾
便承恩五馬前驅比當日東山折屐
老懷欣幸奚殊恨恨潢池盜弄奈衰
齡蹇足空守鄉閭行問代余宣力賴
爾諸雛角巾私第待他年鳩杖歸

扶還試問元侯經訓何如黃石公書

甘草子

題畫三闋

歸去一葉扁舟卻問歸何處衰柳不成行冷落蒹葭浦

風利漫歌公無渡便萍梗有時須住莫向南村素心

侶語五湖烟雨

柯丹邨風雨歸舟

留春令

小山疎樹墨痕輕染幾重烟翠石徑縈回一亭孤倩傳

出幽人意彷彿前遊如夢裏尙漁舟閒繫曲港斜通

武陵溪問曾見桃花未

倪雲林溪亭山色

心日齋詞集

退菴詞

卜算子

白石蘚紋滋綠竹烟痕淨何似崇岡百尺梧一碧凝秋

影認是雅琴材古調無人省儘有高枝待鳳皇惻惻

天風冷

王孟端高梧竹石

杏花天影

大雨後戲作

官衙潦水頻頻辱似天半銀河灌注道南人在下流居

句最苦小茅廬避甚處門前路迴汀枉渚儘濡足依

然窘步等閒思約故人來句浪語便無風也斷渡

卜算子慢

畫簾微雨追往悼今率成此解時咸豐丁巳仲
秋六日也

庭陰墜葉樓外斷鴻振觸武林前事七載離鸞夢冷蕙
爐烟細凝睇枉思量月沒教星替奈過眼韶華一瞬依
然春到藍尾 草草人間世歎兩度傷心百年彈指倚
瑟雙聲信杳碧城十二愁悴掩孤頰間寫銀箋字待喚
取仙山翠羽怕深情難寄

山花子

聞說張星本在天何因解珮向人間長記維舟南浦望
月娟娟 短夢乍酣春枕畔倩魂無定夜燈前懊恨覓
心口齋詞集

退菴詞

十一

裳二十八數華年

謁金門

一葉落寂寂西堂簾幙桐樹心孤生意薄非關風信惡
後夜重尋夢約褪盡燈花半萼斗帳香囊垂四角春
情無處著

又

袞袞窄何意飛龍骨出秋社光陰歸燕急錦衾人似客
未到中秋十日姊也應悽惻宛轉玉鉤清露溼欲
圓圓不得

又

鄉夢促花草長洲路熟還是烽烟驚比屋心傷千里目
幾日藍田採玉幾日秦樓吹竹消得齊奴珠一斛華
年如轉燭

又

妝鏡側那見卷衣人立撩眼亂紅春一色爭教鶯語澀
道是上清淪謫誰問青鸞消息帽底霜絲空自惜玉
簫難再得

又

蘭畹曲羸得淒涼滿幅苦句今生吟已足他生休更卜
指點山邨華屋迅羽輕塵相逐蠟炬成灰鐘漏促斷

心日齋詞集

退菴詞

三

無殘夢續

鶯啼序

用夢窗韻

鴛幃麝熏頓冷忍重窺牖戶夢綠短花落鶉啼坐惜長
簾催暮弄紅豆何人記曲迴腸宛轉相思樹甚蘭房翻
似離亭淡烟飛絮八屈指頻年故里道梗尙南天掩霧
話前事娥月含顰眼穿江上魚素耿無眠深更漏咽
羅溼愁絲千縷枉丁甯蓮舫同遊錦涇鸕鷀萍蹤暗
想片葉天涯幾回趁鴈旅鶴去遠笛樓吹罷夏口遄歸
又逐扁舟陡河聽雨鸞驂信杳蜂衙香散翩然春水凌

波襖喚歸禽柳色甘棠渡從看倚竹牽蘿半萼青燈澹
泊肯厭鄉土安居自適履跡閒園待藝麻漚苳奈幾
載悲筇傳恨病骨敲牀浣淚單衫退紅羞舞中秋近也
靈丹無驗優曇開好還易萎動哀吟華表誰家柱他時
青鳥飛回鬢雪韋郎倩魂記否

愁倚闌令

隣花好惜花殘倚闌干長向仇英圖畫裏認家山年
來瘦損朱顏芳心冷鸞鏡羞看禁得杏梁雙燕子說春
寒

又

心日齋詞集

退菴詞

古

鴛鍼歇畫屏閒病經年可惜天孫雲錦樣倩誰傳羅
囊舊繡依然無聊賴塵壁空懸爭忍看他珠絡索翠連
娟

河滿子

栽得幽花數種小庭雨膩烟濃春自天台移到人如閨
苑相逢今日人將春去露珠啼碎香紅

又

憶昔蒲觴飲後驚心風鶴來時多少朱門繡轂匆匆絮
影分飛爭似吾家絡秀瑣窗閒賭圍碁

又

雅戲閨中裁製春工幻作春人粉壁空留翦綵玉墀已
掩香塵莫向紫姑說與紅箋應也銷魂

醉垂鞭

莫唱望江南
娃宮柳沈吟
久烟外影
鬢鬢清霜知未堪
魂歸應戀此
虛廊倚舊香
拈悄試藕絲衫
防他珠淚
淹

惜雙雙

梁燕依依成伴侶
誰遣把離愁
深訴江海漫
惜歸去隔年春社
還相遇
獨有巫峯
天外路無計
使行雲留住
三點四點
更鼓畫簾聽盡
瀟瀟雨

小日齊詞集

退菴詞

五

水龍吟

丁巳冬仲俞壻自南康返浙道出汴城信宿別
去悒悒累日賦此以遣悶懷

病餘心事闌珊
英英潤玉欣來至
奚奴傳報馬嘶門外
鵲喧檐際
茸帽衝寒塵襟浣雪
頓寬離思
奈停觴語促
倚閭望久
欲留也渾無計
枉說燈花
太喜被春風等閒吹碎
春如有約人應依舊
關河千里短燭心灰
歸鞍目送斷魂
潮尾但摧頽一老
殷勤執手灑臨歧淚

石州慢

落花

欲雨還晴春色正妍遊興方引綵旛幕地飄搖多事曉
風吹緊東君薄倖空負燕約鶯期無端輕送韶華盡仙
子玉峰來又催迴蘭軫愁損蜀箋題字吳舫傳杯少
年青鬢已是淒涼那更翠凋紅隕冬郎好句留下千古
傷心人閒易得芳時恨忍見葬花人掃苔階香粉

摸魚兒

丁煦洲先生索題某司馬湖莊福隱圖

占幽居六橋東畔天然柳港花鳴書樓掩映窗三面咫
尺翠屏雲聚攜勝侶算福地仙鄉最好詩人住吟情漫
與怕竹馬迎來金魚挽定未放使君去空中想指點
心日齋詞集

退菴詞

七

劉郎前度盟鷗今在何許卅年影事匆匆過誰訪綠苔
題句清夢阻更那得片帆吹到江南路披圖認取但欄
角聽鶯船脣載鶴尋我舊遊處

阮郎歸

綠雲鬢倚小桃枝盈盈把袂時玉簫吹作鳳雙飛春光
無盡期仙夢短俗情迷翩然一鶴歸人民城郭是耶
非傷心丁令威

又

東風吹冷碧桃花塵心枉自嗟合歡衾外卽天涯誰教
歸興賒尋故步趁丹霞仙山路未差願持鴉背種胡

麻從今休憶家

宋桑子

暮笳吹送江南怨，遠信模糊，噩夢踟躇。烽火連天照海
虞。舊家門館，知何似，斷柳啼烏。破瓦奔狐，留得東陽
子姓無。

又

檀郎歌管淒涼曲，歎息清門，月冷烟昏。一霎昆明劫後
塵。世間何限傷心事，漫說真真，早歲離魂，免得思家
積淚痕。

又

心日齋詞集

退菴詞

七

左芬書問經年斷，南鴈飄零。又說吳興，日夜風傳唳鶴
聲。昔年避亂棲湖澗，烟水淒清。今日伶仃，可許荒灣
寄此生。

更漏子

庚申歲杪，密雪經旬，中庭積厚四五尺，平生所
未見也。

篆烟沈燈炷，落愁掩夜寒，簾幙天黯澹，路冥迷，征人何
日歸。喚春回，春未醒，誰念玉梅香冷殘，歲逼暮雲深，
休聽元鶴吟。

金縷曲

賣宅

燕子聞長歎甚匆匆十年安宅夢緣能短曾是琴尊遊
息地苦被啼鶯催散且休說仙源深淺洞口雲來迷處
所悔當時只作尋常看枉回首畫欄畔 嬌紅姹紫閒
栽徧到而今亭臺易主舊歡空戀從此春風無路入那
見小桃人面更誰與金荃歌按可惜好花如好婢向人
家看賣牙郎絹重為汝淚痕濺

水調歌頭

辛酉三月廿七日移居文殊寺巷所謂蝸角蛟

睫又足相容者也 卷以文殊名然止有清真寺並無文殊寺

小日齋詞集

退菴詞

六

往事過

去聲

駒隙末路寄蝸廬不知簞食瓢飲陋巷較何

如小植紅桃綠柳閒縛茅籬竹柵幽夢蝶蘧蘧朱絨者

誰子門外已迴車 鄴侯井徐穉榻子雲居翩然捨去

聊可著論擬潛夫昔日天花彈指今日緇塵滿眼香界

久榛蕪我有數椽庇猶足傲文殊

移居日偶得小詩數首附記於此舊宅移

來柳一枝連番膏雨助生機可能身作桓宣武看得腰
支到十圍一株檉柳兩分身移植南牆便隔鄰根到重
泉會相見未應忘是一家春棠梨今後為誰開也許移
根別院栽盼得明年花信早春風來似故人來狹巷蕭
條隔市塵泥塗往往欲摧輪平津莫訝迴車早此地曾
無牧豕人膏環粧妝賀堂成幾日新鄰便有情誰說海
鷗心跡異兩無虞詐不須盟

鷓鴣天

病中夢一人鶴骨嶠然自稱王聖與來問余疾
余方驚起醒然已寤平生傾倒中仙或許把臂
入林耶率拈小詞記異

仙侶何因證舊歡素屏涼影有無間三生石泐情長在
半萼燈孤夜未闌 蛩語寂鶴聲聞片雲從此謝塵寰
憑誰訪我棲真地黃葉蕭蕭玉笥山

小日齋詞集

退菴詞

九



微雨山外野真城黃葉蘆葦玉笥山
半萼燈孤夜未闌 蛩語寂鶴聲聞片雲從此謝塵寰
憑誰訪我棲真地黃葉蕭蕭玉笥山
入林耶率拈小詞記異

余式著詩頗然已報平生於胸中亦更有誰曾
蘇中夢一人鶴骨嶠然自稱王聖與來問余疾

